



# SUATEA



## COMUNICÁU DE PRENSA: EDUCACIÓN

### EL TRIBUNAL SUPERIOR DE XUSTICIA D'ASTURIES ALMITE QUE LA LINGUA ASTURIANA TEA PRESENTE NA EDUCACIÓN INFANTIL

Al entamu del cursu pasáu (2008-2009) el sindicatu SUATEA plantegó un recursu contencioso-alministrativu nel Tribunal Superior de Xusticia d'Asturies contra'l Decretu 85/2008, de 3 de setiembre, pol que s'establez el currículu del segundu ciclu d' Educación Infantil solicitando **la so anulación por vulneración del artículo 10** de la Llei d'Usu 1/98, por falta de regulación de los conteníos de Llingua Asturiana, pues nel currículu sustituyóse la referencia a la llingua pola locución "cultura asturiana" y nel nomáu artículo 10 recuéyese : *Nel exerciciu de les sos competencies, el Principáu d'Asturies va garantizar la enseñanza del bable/asturiano en tolos niveles y graos, respetando sicasí, la voluntariedá del so aprendizaxe. En tou casu, el bable/asturiano va tener que ser impartíu dientro del horariu escolar y va ser considerao como materia integrante del currículu.*

Na sentencia n<sup>u</sup> 1770/09 dictada por esti tribunal nel mes d'avientu del añu pasáu desestímase'l recursu de SUATEA por considerar nos fundamentos de derechu de la sentencia, que la Llingua Asturiana sí ta presente nel currículu d'Educación Infantil como defendió la parte demandada (Principáu d'Asturies) incluyida ente los conteníos de cultura asturiana: "...señalando inesistencia d'infraición del artículo 10 de la Llei 1/98, pues el mesmu indica que sedrá consideráu como materia integrante del currículu y tanto la L.O. 2/2006 como'l Real Decretu 1630/2006, establecen que les enseñances mínimes del segundu ciclu d'Educación Infantil determinen que los conteníos educativos d'Educación Infantil organícense n'aries y qu'ente los conteníos de cultura asturiana recuéyese'l bable asturiano, dao que la mesma constitúi una manifestación cultural al respectu".

Teniendo en cuenta esta sentencia deduzse que l'alministración educativa tien de garantizar que la Llingua Asturiana y el Gallego-Asturiano s'imparta n'Educación Infantil y esto nun ta pasando:

- Solo'l 13% l'alumnáu d'Infantil recibe enseñanza de Llingua, mientras qu'en Primaria esa proporción xube hasta'l 55 % y ello chócamos porque cuasi tol alumnáu d'EI ta integrao nos centros de Primaria col mesmu equipu directivu que xestiona la elección d'estos conteníos.
- L'alministración nun fexo nenguna campaña informativa del derechu a recibir enseñanza en Llingua Asturiana o Gallego-Asturiano na EI, nin mandó nenguna circular o instrucción a los centros informando del procedimientu pa materializar el derechu de los padres y madres a elixir la formación llingüística los sos fíos y fíes.
- Tenemos noticies de centros que tán demandando ampliar la ufierta de les enseñances de Llingua a EI y ta contestándose-yos dende la Consejería Educación que los centros nuevos que lo demanden nun se van a atender porque nel currículu d'esta etapa nun figura la Llingua Asturiana. A aquellos que yá teníen Llingua enantes de la publicación del currículu siguirán siendo atendíos.

Por too ello dende **SUATEA** esiximos a la Consejería Educación:

1. La ufierta xeneralizada de la enseñanza de Llingua Asturiana o Gallego-Asturiano na Educación Infantil.



# SUATEA



## **COMUNICÁU DE PRENSA: EDUCACIÓN**

2. Les disposiciones reglamentaries qu'amuesen a les clares los conteníos, midies organizatives, y recursos materiales y humanos que se dedicarán a la enseñanza de Llingua Asturiana o Gallego-Asturiano na Educación Infantil.
3. La puesta en marcha de planes de formación del profesoráu d'EI en Llingua Asturiana y Gallego-Asturiano na formación permanente.
4. La collaboración cola univesidá pa que nos planes d'estudiu universitarios nuevos se cree la Mención de Llingua Asturiana nel Grau de Maestru/a d'EI (la Mención de Llingua solo ta prevista pal Grau de Mestru Primaria y non pal d'Educación Infantil).
5. Valoración y reconocimientu de la especialidá nel nuestro idioma nel accesu al puestu de trabayu por ella y nos concursos de tresllaos, oposiciones y llistaos d'interinidad de toles otres especialidaes.
6. La previsión del aumentu de puestos d'especialistes de Llingua nes plantiyes del 2010.